

大乘集菩薩學論卷第十一

第十二 同卷二

轉

法稱菩薩造

宋西天三藏翻敍大夫試訛少卿宣梵大師昌黎等奉詔譯

清淨品第八之二

論曰復次應知說悔過行如金光明經偈云

廿六
十方住世兩足之尊以悲愍心當證知我
若我先造廣大罪業住十方前皆悉懺悔
未識佛時未識父母未識善惡我造此罪
自恃種族又恃財寶盛年傲逸我造此罪
心念口言造衆惡業謂不可見我造此罪

愚夫惡行煩惱覆心由無智暗近惡知識
遊戲樂著或住憂恚財無厭足我造此罪
貧窮詭詐由生慳嫉不親聖人我造此罪
因欲生怖於去住時不得自在我造此罪
因欲恚怒動擾其心飢渴所逼我造此罪
飲食衣服由斯三種諸結熱惱我造此罪
身語意業三種惡行具如是相我悉懺悔
若於佛法及聲聞衆不起尊重我悉懺悔
又若緣覺及菩薩衆不生恭敬我悉懺悔
或於有德諸說法師不起承迎我悉懺悔

由誦正法而常無智不敬父母我悉懺悔
十方三世佛觀察護念我心運無緣悲
哀受我懺悔我於百劫中先若造諸罪
常懷憂怖心哀愍願消除又心常怯弱
怖此諸過咎於四威儀中曾無飲樂想
諸佛具大悲除諸世間怖今當願攝受
解脫諸怖畏我先造諸罪對如來發露
以佛大悲水洗滌煩惱垢又若此罪惡
一切皆懺悔若已作之罪皆不敢覆藏
若未作之業一切不復造謂身業三種

及語四過愆與意業三毒一切皆懺悔
論曰菩薩所得罪犯約勝說有輕重故優波
離所問經云於根本罪等比而說何者復重
佛言優波離住大乘菩薩如犯碗伽沙數貪
罪與一瞋罪於菩薩乘爲作校量此二罪中
論六瞋唯屬重所以者何優波離起瞋者捨離衆
生然起貪者愛護衆生優波離若愛護衆生
則不爲煩惱於菩薩所無有災橫等怖乃至
是故優波離若有犯貪罪者皆名無罪是義
云何愛護衆生者如前增勝故我說深心有

是悲愍佛言優波離菩薩若無方便善巧則畏犯貪罪若菩薩有是方便善巧者則怖犯瞋罪而不怖犯彼貪愛何以故方便善巧者具悲智二種而不捨離衆生若捨衆生者唯一智惠悟解苦空或唯悲愍非久如間爲煩惱力之所減滅如方便善巧經云善男子譬若持明之人爲彼羈索五處繫縛以真言王於所求法即能超越由一真言明力悉能斷除一切縛法善男子是菩薩方便善巧受五欲樂亦復如是然於所作不亂正行謂若以

一智力偏一切智心淨諸欲樂當生梵世

論曰瞋義云何謂本性爲大罪故由廣分別不生方便悲愍行恚怒者然非利益何名過失以容受彼則長養煩惱滅失悲愍斯爲過失斷此根者後當可見若菩薩如於衆生失

轉六

三

悲愍心則於衆生廣大利益相續滅失故聖諦品云應知如父見子起悲愍心謂若棄他世間利樂悲愍則亦當遠諸有智又若菩薩勸行於欲減失利益是故說貪過各得二種難彼著欲者譬無知人違害父母於下劣欲

而生苦惱損滅失趣又著欲者毀犯禁戒遠離人境是故希求己樂厭捨他苦非真實見應以他苦惱如己苦惱然不自修習起二種失如月燈經說佛告阿難假使有人從足至頂洞然熾皎成一火聚復有人來語如是言我勸汝身共受五欲歌舞嬉戲佛告阿難於意云何是人勸就此身可共五欲歌舞嬉戲不阿難白言不也世尊佛告阿難是人於歌舞嬉戲由分別橫起勸就此身共受五欲歌舞嬉戲如來不爾往昔修菩提行時見諸衆

生三惡道苦及貧窮者心無悅樂

論曰世間有子不見父母懷耽痛苦有此大恩唯見己樂或親非親愍惜覆藏守護善法幢者勿行邪欲此於衆生或爲利益或復損害謂若繫纏嗜彼欲者斯爲過咎具正梵行作利益故若比丘入是行處應如母妹而供侍之不應於他如梵行類成就衆生固當遠離如無盡意經云於時非時復捨其所作或見衆生增上利益亦住是學處又方便善巧經云昔光明梵志於四萬二千歲中嚴持梵

行住七步已發生悲愍設犯禁戒受地獄苦
不應棄彼令趣命終善男子是光明梵志即
時執彼右手作如是言姊起如其所欲以要
言之善男子如是深妙欲中起大悲心於十
千劫受輪迴苦後復還修梵行善男子以菩
特六
薩方便善巧得生梵世彼經又說若有菩薩
爲一衆生發善根者於其色相如罪所墮百
千劫中受地獄苦之所燒煮世尊彼菩薩然
起是罪無地獄苦謂由於一衆生亦不捨離
此善根故彼經又云善男子此方便善巧善

薩有極重罪謂或時遇惡知識勸就此蘊取
證涅槃然於後際不復堪任被斯鎧甲何窄
化度一切衆生故我不起是心如彼輪轉化
度衆生又若設有是罪如其法行使無過各
善男子若出家菩薩一切分別所造過四重
罪是菩薩具方便善巧者隨起即悔說爲無
罪如寶雲經所明造極無間者謂令人死聲
聞律中名根本罪處又若剝剥鹿屬如起悲
愍說爲無罪此貪得者若菩薩起貪猶生善
趣則不應瞋怒如說方便善巧菩薩樂作貪

暗於妙女色極樂修作數數願求生女人中
厭彼貪心捨女身已得丈夫相成大身者佛
告阿難汝見如是功德不自餘衆生雖行如
是起猛利貪然猶出離苦器生人天趣乃至
第六
藥王大士云何菩薩起瞋謂若發生煩惱何
容施諸妙樂等

論曰若爲此名聞如是於餘衆生利益方便
設起貪者說爲無罪此方便善巧菩薩所造
利益而不棄捨衆生廣如彼說然非得地六
度妙行於此伺察極善相應是故不容瞋等

又優波離所問經云佛言舍利子菩薩有二
大罪何等爲二謂心與瞋俱及與癡俱乃至
舍利子應先志誠懺十惡罪及五種愆亦當
懺悔謂手執眼觀心難制止或於一衆生兼
餘二種舍利子復說有重五無間罪謂具作
此菩薩或時於他婦女染行非法手斷命根
盜佛塔物四方僧物菩薩爾時如犯彼罪應
向三十五如來前於晝夜中一懺悔云我某
甲歸依佛歸依法歸依僧
那謨釋迦牟尼佛 那謨金剛消伏壞散佛

那謨寶餕佛

那謨龍自在王佛

那謨華吉祥佛

那謨勇猛軍佛

那謨勤勇喜佛

那謨淨照明遊戲神通佛

那謨寶火佛

那謨寶月光佛

那謨蓮華光遊戲神通佛

那謨不空見佛

那謨寶月佛

那謨財吉祥佛

那謨念吉祥佛

那謨離垢佛

那謨勇施佛

那謨善名稱吉祥佛

那謨梵德佛

那謨梵施佛

那謨因陀羅網幢王佛

那謨水王佛

那謨水天佛

那謨善遊步吉祥佛

那謨賢吉祥佛

那謨梅檀吉祥佛

那謨安祥行佛

那謨勝遊步佛

那謨無邊威德佛

那謨光吉祥佛

那謨普偏光嚴吉祥佛

那謨無憂吉祥佛

那謨那羅延佛

那謨寶蓮華勝遊步佛

那謨寶蓮華善住娑羅樹王佛

如是現前乃至一切世界如來應供正等正覺惟佛世尊觀察護念我於今生或至餘生及無始來生死輪轉造業障罪自作教他見作隨喜或盜宰堵波物四方僧物五無間業十不善業道自作教他見作隨喜由斯業障毀除禁戒應墮地獄或旁生趣餓魔境界若生邊地及蔑戾車生長壽天設得爲人諸根不具深著邪見離佛出世此諸業障佛以真實慧真實眼真實證明真實稱量悉知悉見

今悉懺悔不敢覆藏若我毀犯禁戒等罪願佛世尊觀察哀愍若我今生或至餘生及無始來生死輪轉乃至於旁生趣或嘗施一搏食護一淨戒若修梵行所有善根化度衆生發菩提心及無上智一切善根如稱量已無不回向最上最勝阿耨多羅三藐三菩提果持六我今亦如過去未來現在諸佛之所回向乃至偈云

懺除一切罪 諸福皆隨喜 及勸請諸佛演說無上道 過去及未來 現住人中尊

無邊功德海 一切歸命禮

含利子是菩薩於三十五如來前如是作已是諸如來隨知作意得罪清淨由罪清淨故此諸佛世尊當現其前如是解脫利益衆生現諸相好由是愚夫異生於此化度輒生疑惑乃至一切聲聞及緣覺衆而不能使彼惡作罪處清淨地若有菩薩於此諸佛如來名號而常持念晝夜三時轉正法行出離彼罪得三摩地說此是名悔過及對治行

論曰讀誦甚深經典得彼罪滅如能斷金剛

般若波羅密多經云復次須菩提若善男子善女人受持讀誦此經若爲人輕賤所以者何是人先世所造罪業應墮惡道由見是法以今世人輕殘故先世罪業則爲消滅得佛菩提等

論曰信解空性得罪惡清淨故如來藏經云佛言迦葉波有十不善業道是爲大罪此最極殺生者謂若殺父斷緣覺命最極不與取者謂若欺奪三寶財物最極欲邪行者謂起污辱及無學尼最極妄語者謂言我是如來

最極兩舌者謂於聖衆作離間語最極惡口
者謂訶毀聖賢最極綺語者謂巧構浮飾亂
諸法欲最極貪者於正道財利起侵奪心景
極瞋者於五無間無悲愍心最極邪見者謂
橫起僻執深險惡見迦葉波若一衆生具足
如是十不善業道大罪者如來以是因緣宣
說法要爲令悟入無我無人無衆生無命者
無作無受是行是造作是幻化然諸法性即
煩惱性入解諸法自體明亮信解諸法種種
清淨我不說有衆生墮惡趣者又淨諸業障

轉六
經云復次文殊師利若菩薩觀非律是律則
見罪非罪觀輪迴界即涅槃界則見諸煩惱
是爲緣生當知是人得業障清淨又底哩三
昧耶王經說對治行云若閉目觀緣諸佛菩
薩誦百字明八千遍已開眼備觀佛菩薩等
得離彼罪或右繞佛塔誦八千遍塔像經典
隨一現前如儀廣說又尊那陀羅尼經云奉
念誦已乃至夢見是相得滅彼罪若夢天女
授乳酪飯得離彼罪或見日月昇虛空中焰
火水牛及黑丈夫怖走而去又若夢見比丘

比丘尼衆或乳木樹白象白牛山峯船舫處
大殿堂及師子座聽聞妙法應知悉是罪滅
之相又如來形像品說對治行云譬^{博大}若有人
不淨塗身臭惡可厭以水洗灌施妙塗香而
彼臭惡即時遠離如是造作五無間罪具足
偏行十不善業道若得信解如來造佛形像
得離彼罪由無罪故智慧殊勝具菩提心由
殊勝故而出家堅持淨戒花積陀羅尼經
云爾時師子遊戲如來嘗住於世經百千歲
施諸妙樂時彼如來般涅槃後起舍利塔若

人以菩提心持彼一花供養如來合掌稱名
或灌水爲淨及一花鬘塗香花燈乃至身行
一步起諸言說稱南無佛於彼師子遊戲如
人勿應疑惑若於一劫百劫千劫返墮惡道
者則無有是處又藥師瑠璃光王經云若持
五戒十戒菩薩四重戒出家比丘二百五十
戒比丘尼五百戒如於所受或有毀犯怖墮
惡道若人專念藥師瑠璃光王如來名號如
其供養是人決定不墮惡趣爾時世尊告阿
難言若我稱讚彼佛世尊藥師瑠璃光王如

來所有功德是爲諸佛甚深境界汝無疑惑
生實信不爾時具壽阿難陀白佛言世尊我
於如來所說經中不生疑惑所以者何一切
如來身語意中所集善行無不清淨世尊此
日月輪最爲高遠具大威光可使墜地妙高
山王亦可傾動是諸佛言終無異也世尊然
有衆生信根不具聞說諸佛甚深境界便發
是言由何唯念一如來名便獲爾所功德勝
利由斯不信便生誹謗於長夜中退失刹樂
佛告阿難若聞彼佛名墮惡趣者無有是處

阿難此是諸佛甚深境界難可信解阿難汝
信解者應知皆是如來威神之所建立非諸
聲聞緣覺未登地者唯除一生所繫菩薩摩
訶薩故彼經又云若餘淨信善男子善女人
鄒波索迦鄒波斯迦具足八分齋戒一年三
年受是學處以此善根願生西方極樂世界
傳六
無量壽如來前者若得聞是藥師瑠璃光王
如來名號是人臨命終時八大菩薩皆以神
通來示正道復有種種間色世所希有衆寶
蓮華自然化生或復生於天上如是生處而

宿植善根彼無窮盡亦復無有墮惡道怖彼天歿已復生人世為轉輪王統四大洲

大乘集菩薩學論卷第十一

大乘集菩薩學論卷第十二

法稱菩薩造

宋西天三藏朝散大夫試鵝臚少卿釋空師是等奉詔譯

清淨品第八之三
與無量百千萬俱眾衆住十善業道後復生

彼利帝利婆羅門長者大種族中財物豐饒庫藏盈溢色相眷屬皆悉具足彼經又云若有女人得聞是藥師瑠璃光王如來名號受持者後轉女身又文殊莊嚴佛刹功德經云妙吉祥言我亦恭敬是慧上菩薩光幢菩薩如意願菩薩寂精六根菩薩若有女人持是四菩薩名號者得轉女身後不復受論曰對治行略如前說制止方今當說如地藏經云若菩薩摩訶薩離殺生者即是施與一切衆生無憂無怖及無悲惱驚懼毛堅以